



Газет 2001-йисан  
ноябрдилай акъатзава

# Эренлардин СЕС

РД - дин Докъузпара райондин общественно-политический газет.  
Общественно-политическая газета Докузпаринского района РД.

№14 (788) 5-Апрель, арбе, 2017-йис. Почтамтдай зур йисан кьимет - 226 манат

## РАЙАДМИНИСТРАЦИЯДА

2017-йисан 3-апрелдиз, Докъузпара райондин муниципальный тешкилатдин заседанийрин залда, райондин МО-дин кьил К.С.Абасова нубатдин совещание ачухна Йикъан совещаниедал акъвазнавай кьилин месэляр тир:

1) И мукъвара Къайтагъ райондин Маджалис хуьре кьиле фейи хуьруьн майишатдин форумдилай;

2) Чилериз ва квалериз шагьдатнамаяр гьузурунин кваллахрикай;

3) Къаналриз яд ягъунин кваллахрикай;

4) Образованиедин хиляй Махачкъала шегьерда кьиле фейи РД-дин Правительстводин председателдин куьмекчи Е.А.Толстиковади тухвай



совещаниедилай;

5) Зирзибил акадарзавай «урнаяр» алай чкаяр михьи кьайдада хуьн патахъай, бетондин ва ракъун жугъунралди клевуникай ва мсб.

Винихъ кьейднавай месэлайриз килигуналди ва абуруз тесстикъ кьарарар акъудуналди, нубатдин совещание акъалтIна.

Эдуард ГЪАЖИБЕКОВ

## Госдумадин депутат мугъман хъана

Алай йисан 31-мартдиз «Сад тир Россия» партиядин патай Госдумадин депутат Абдулмажид Варисович Магърамов кьиле авай десте Докъузпара райондиз мугъман хъана. Депутат Докъузпара райондин Кьил Керимхан Абасова, райондин кьилин заместитель Абдурагъим Алискерова, ЦРБ-дин кьилин духтур Шагълар Бухсаева ва

масабуру кьабулна.

Мугъманрин десте сифте нубатда Докъузпара райондин кьилихъ галаз администрацияда гуьруьш хъана. Гуьруьшдин вахтунда яшайишдинни экономикадин жигъетдай район вилик тухунин важиблу месэляр веревирдна. Кьилди кьачуртIа, газификациядин, дигидай цин,

азарханадин цийи корпус акъатIларунин месэлайрикай рахана.


Гуьруьшдилай кьулухъ мугъманар райондин ЦРБ-дин дараматдиз фена. Депутатди райондин Кьил К.Абасовахъ, ЦРБ-дин кьилин духтур Ш.Бухсаевахъ ва





масабурухъ галаз азарханадин отделенийриз, палатайриз килигна ва авай гьаларикайни шартларикай духтуривай хабарар кьуна. Медицинадин кьуллугъчийри мугьманриз здравоохраненидин жигъетдай райондихъ авай вири мумкинвилер, тадаракар, кьвалахдай шартлар раижна.

Мугьманар эцигна кутьягъиз тахъанвай ЦРБ-дин цийи корпус алай чкадални фена. Малум тирвал, пулдин такъатрихъ галаз алакьалу яз, са шумуд йис инлай вилик гьиле кьунвай дарамат эцигна акьалтларунин кьвалахар акьвазарнава. Дутьшуьшдикай менфят къачуналди, райондин кьили цийи дарамат кутьягъун патал депутатдиз кумек гун тлалабна.



Азарханадиз килигдайдалай кьулухъ депутатди райадминистрацияда кьилдин месэлайрин патахъай агьалияр къабулна.

Куругъли ФЕРЗАЛИЕВ

## Россияди маса гайи «къизилдин» чил...

*(Полуостров Аляска маса гайидалай инихъ 150 йис тамам хъанва)*

Урусатдин чилин пай тир Аляскадин иесивализ Америкади 150 йис хъанва. Россияди къенин юкъузни, «калькуляторралди» кьиле фейи женгинин гьакъиндай гьужетзава; делилрихъ кьекъвезва, ам вахчун патал. Амма, а вахтунин икъардал «ттем гьидай хътин» делиларни жагъизвач. Къенин юкъуз авай ихтилат: «Аляска куьн маса гана? Ам куьн маса ганайтла хъсан тир? Ам маса гуникай урусатдиз вуч зиян хъана?» Чи уьлкведин са бязи «политикар» чалишмиш хъанва: «къин тавунвай севрен хам пайиз». Тестикъ тирвал: «Сев яна къена Россияди, хамунин иеси хъана Америка».

Кеферпатан Америкадиз мукьва тир, Беринган гьулуьн Бристольдин заливдин ва секин «Тихий» океандин ятари чухьузвай, 700 км. яргивал, 170 км-10 км гьяркъуввал, 2507 м винеда авай Алеут дагъларин циргъини кьунвай полуостров Аляска, сифте яз 1732-йисуз урусиятдин экспедициядин жергедик квай

геодезист (чилерин формаьр, къадарар, майданар ахтармишдай кас) Михаил Спиридонович Гвоздева ва гьуьлерин сиягъатчи Иван Федорова ачухна. Гуьгъунлай, 1733-1743 йисара гьуьлерин сиягъатчийр-офицерар тир В.И.Беринг ва А.И.Чириков кьиле авай Камчаткадин экспедициядин дестеди полуостров Аляскадин винел мад ахтармишунар кьиле тухвана. Гьисабай са тИмил йисарни фенач, 1774, 1777, 1778 ва 1790 -йисара иниз Испаниядин экспедицияр рекъе гьатна. 1778 йисуз англичанви Джеймс Кука Аляскадин къерехрин карта туйкуьрна. 1780 йисуз иниз французрин еке тИвар – ван авай гьуьлерин сиягъатчи, офицер, «географ-исследователь» Ж.Ф.Лаперуз кьиле авай экспедиция мугьман хъана.

11 700 йис идалай вилик, чпин ери-бине Азиядий тир, сифте инсанди кам вегъей, дагъларин кулкусри, уьленрин чуьллери ва еке тушир муркIари кьунвай, гзаф вирер экIя хъанвай Аляскадиз, урусатдин савдагарар XVIII-

асирдин юкъварилай датIана физ башламишна. Аляскадин ва Алеут островрин халкъаривай абуру «хаздин», багъа хамар къачузвай. 1781-йисуз чилер ахтармишун ва жуьреба-жуьре кеспийрин (гьуьрч, балугъчивал ва мсб) кьвалахар кьиле тухун фикирда аваз М.С.Голиковрин ва Г.И.Шелихован уртах компания арадал гъана, гимияр акьваздай чкадин мукьув гьисабай пуд хуьр ва Воскресенский редут (сенгер) эцигна. Абурухъ галаз гъа са вахтунда якутви савдагар П.С. Лебедев-Ласточкина ва адан гьилибанри «Георгий, Николай, Константин, Елена» тIварар алай кьелеяр эцигна. 1794-1903 -йисара ана урусатдин миллетрикай ибарат тир «Аляскинская миссия Русской Православной Церкви» тешкилат арадиз гъана. 1799-йисуз император I Павлан къарардалди Россиядинни Америкадин уртахвал авай, Аляска артмишдай «Урусиятдин Америка»



компания тешкилна. Гъа и йисуз урусри «Новоархангельск» къеле эцигна, жележегда адакай шегьер хъана. Америкадиз маса гхайла, аниз «Ситка» шегьер тIвар гана. XIX - асирдин сифте килера Россиядинни Америкадин уртах тешкилатди хаздин хамарин алиш-веришдилай хийир гъизвай Россиядин хазинадиз. Ахпа са зур виш йис алаятайдалай гуьгъуьниз, 1850-йисара, геополитикадин фикирдалди (са чкадин винел агъавал хуьн) акъван яргал чкадихъ галаз алакъа хвена идара авун, Урусиятдин пачагъ I Николаяз файдасуз, хийирсуз кар яз акуна, ва ам маса гунин меслятрив эгечIна, акъваз хъана. Амма 1866-йисуз Америкадин пачагъ Эндрю Джонса Аляска маса къачунин

меслятар мад цийи хъувуна. 1866-йисан 28 -декабрдиз къецепатан уьлквейрихъ галаз алахъа хуьдай министерствойрин иштираквал аваз киле феи килин заседаниедал Россиядин император II лагъай Александра, Аляска маса гунин гъакъиндай разивал къалурна. 1867-йисан 30 -мартдиз Вашингтон шегьерда киле феи гуьрушдал, Россияди Аляска полуостров 7 млн. 200 агъзур доллардихъ, урусатдин 11 млн. манатдихъ США-диз, «шаламрин» къиметдай маса гунин разивал тесстикънавай икьардал къул чIугуна. Аляскадин чилин гъакъиндай икьарар гъазурдай вахтунда сенатор Самнера, вич и кардал ягъалмиш туширди Америкадин президентдин вилик

тестикъ авун фикирда къуна, алеутдин хьалкъарин чIалалди адаз «Большая земля» лагъана тIвар ганвайди къейдна. Амма 1896-йисан 16 -августдиз Джордж Кармакав, Чарли Доусонав, Джим Скукумав Клондайк вацIуз авахъзавай Бонанза-Крик булахдин хвалай сифте яз къизил жагъайла, полуостров Аляска Россиядивай маса къачун, Америкадин президент Эндрю Джонсан администрациядин еке агалкъун тирди тесстикъ хъана.

Эдуард ГЪАЖИБЕКОВ

## СПОРТ

# Ада вич чешнелу яз къалурзава

Алай йисан 18-мартдиз азаддиз къуршахар къунай Новочебоксарск шегьерда киле феи Чувашский республикадин чемпионатда Докъузпара райондин Мискискарин хуьряй тир Гъажи Гъафизова II чка къуна. Акъажунрин вахтунда пуд бягъс тухвай жегъилди 15-апрелдиз киле фидай Поволжский федеральный округдин чемпионатда иштиракдай мумкинвал къазанишна.

Гъажи Гъафизов грекринни римлуйрин жуьреда къуршахар къунай спортдин устад, Россиядин хейлин чемпионатрин, турниррин чемпион ва призер, 4 сеферда Ульяновский областдин чемпион я. 2012-йисал къван ам Ульяновскда грекринни римлуйрин жуьреда къуршахар къунал машгъул хъана. Алай вахтунда ам Чувашия республикада яшамиш жезва ва ЧГУ-дин стоматологический факультетда клелзава.

Дагъви спортсменди РФ-дин лайихлу тренер, 2016-йисуз Рио-де-Жанейрода хъайи олимпийский къугъунра Россиядин патай арбитрдин везифар киле тухвай А.Крикован гъилик вердишвилер къачузва. Адакай азаддиз къуршахар къунай спортдин устадвиле кандидат, 2016-йисуз студентрин арада киле феи спартакиададин чемпион хъана.

Къейд ийин, жегъилди вич спортдин, клелунин ва общественный рекьера чешнелу яз къалурзава. Университетда, шегьерда киле физвай жегъилрин



мярекатра ашкъидивди иштиракзава.

Чаз адахъ клелуна ва спортда жележегдани агалкъунар хъана кланзава.

Куругъли ФЕРЗАЛИЕВ



## Тербиядиз кьветен фикир гун

Акьалтзавай жегил несил Ватандиз вафалу яз, зегьметдал рикI алаз, илимдин дерин чирвилер аваз, хьсан кьанажагь авайбур яз тербияламишунин карда зегьметчи коллективрин, хзандин, диде-бубайрин муаллимрин роль чIехиди я. Гзаф вахтара чна и месэлайриз бес кьадар фикир гузвач. Аялар тербияламишун анжах муаллимрин –школадин везифа яз гьисабзава. Аял тербияламишун сифтени-сифте диде-бубадин буржи я. Малум тирвал, тербиядин кIвалах гьеле аял кьепинамаз, дидедин лайлайрихь галаз башламиш жезва. Сифте вилер ахьайзамазди, бицеказ аквазвайбур, алаз еке таьсирзавайбур дидени буба я. Виридалайни играми ва багьри ксар. Абурун гьар са гьерекаг, гьар са келима аялдиз чешне я. Гьелбетда хьсан чешнеди хьсан, пис четинди пис хесетар кутада. Гьавилияй диде-бубадин гафунихь хзанда хуш рафтарвал авунихь тербияламишунин карда еке метлеб ава. Чи бубайри, халис педагогри лугьзува. «Дана епина амаз, аял кьепина амаз вердишна кIанда». «Кьапуна авайди тIуруни кьачуда» лагьайвал хьсанбур писбур хьайитIани аялдин сифте кьилихар хзанда тестикь жезва. Хзанда кьачур тербия гьамишалугьди яз амукьда. Са бязи диде-бубайри аялар алай чкадал папIрус чIугвазва, эрекь хьвазва,

эдебсуз гафар лугьзува, масадакай гьахьсуз рахазва. Ихьтин хзанда авай аялрикни чIуру хесетар акатзава. Аялриз хьсан суьгьбетар авуртIани, чешнелу зегьметчийрикай телевизордай гузвай дуьзен передачайрикай, Ватан патал чанар гайибурукай ва акI мад... Ихьтин суьгьбетри са рахунни алач, жегилрин руьгьдиз таьсирда. Халкьдин мисалда лагьайвал, вуч пайитIа гьам вахчуда. Зегьмет чIурун, гьар са кардив инсанвилелди эгечIун, сада-садаз гьуьрмет авун, жегилри яшлугуруз-ажугуруз гьуьрмет, куьмек авун ибур вири сад-садахь галаз важиблу месэлаяр я.

ГьвечIизамаз и кIвалахар чир хьайи аялар чIехи хьайилани чпин хзанда, кIвалахдай коллетивда, яшамиш жезвай чкада кьайда тваз, масабуруз чешне кььалуриз алахьда. Са бязи диде-бубайриз аялар квел машгьул ятIа, абуру вуч ийизватIа, хабарни авач. Абуру чпин веледри авур гьихьтин чIуру кIвалах, гьерекаг хьайитIани дуьз яз аквазва. Идалди чпиз виридалайни багьа-хайи веледдин гележег, уьмуьр бедбахтвилик акатзава нетижада рикI тIардай крар арадал кьезва. Ихьтин аялар школадин муаллимрин гуьзчивиликай хкатзава, гьеле кьилих бегьем мягькем тахьанвай аял «итимрин» жергедик акатзава, адан тIвар полициядин органрин сиягда гьатзава.

Келунин йис куьтыгьни жед, садра кьван школадиз атана зи аялди вуч ийизва, лагьана хабарни кьадач, ша лагьай собранидиз кьванни кьведач, эхирдай пис кьиметар хьайила, диде-бубаяр школадиз атана акьатда ва муаллимрихь галаз векьдаказ рахаз жед. М. Горькийди лагьанай: «Вичин шарагар кIан хьун –и кар вечрелайни алакьда. Амма тербияламишун –им еке бажарагь ва уьмуьр хьсандиз чир хьун истемиззавай государственный кIвалах я». Гьайиф хьи, ихьтин государственный кIвалахдиз чи чIехибур, властди бегьем фикир гузвач. Бес акьалтзавай жегил несилдин эхир квел атуь?! Муаллимвал пара четин, зегьметдин эвез агакь тийизвай пеше хьанватIани, диде-бубайрин патайни школадихь, муаллимрихь галаз бегьем алакьа авач. Тербиядин месэла садрани гьияй вегьена виже кьезвайди туш. Аялар чи гележег я. Гьавилияй абуру Ватандиз, халкьдиз вафалу яз, зегьметдал рикI алаз тербияламишун гьар са муаллимдин, диде-бубадин сифте нубатдин буржи я.

**А. ЭФЕНДИЕВА,**  
райондин ветеранрин Советдин  
председатель

Эвел 13-нумрада

Пайгьамбардин ﷺ медицина

## Зейтундин чIем - 70 азардин дарман

**Исламдин медицинадин ктабра зейтундин чIемеди кьунвай чка**

Имам аз-Загьабиди «ат-Тибу ан-Набави» ктабда кхьизва: «Вахт алатирдавай зейтундин чIемедин дармандин кьуват гзаф жезва, ада беден зегьерламиш шейэрикай хуьзва, руфунин тIалар авайла куьмекзава ва шарар акьудзава».

«Муьтамад филь адвиятиль муфрада» ктабда кхьенва: «Зейтундин чIем хуквадиз хийирлу я, ада сухвар ва сарарив гвай якIар мягькемарзава. Саран якIар дакIуна иви кьез хьайитIа, ам са кьадар вахтунда сиве кьуртIани жед (йикьа

2-3 сеферда са чIехи тIурунавай зейтундин чIем 30-40 декьикьада сиве кьада, ахпа ам са чкадиз тфу авуна гадар хьийида).



Акунин бажарагъвал хъсан хъун патал, ам вилериз ягъайтлани жеда. Ада чларарин дувулар мягкемарзава ва кан акъудзава».

Имам ас-СуютИди «ат-Тибу

ан-Набави» ктабда кхъизва: «Зейтундин чМемедин ери ифенвай ва къежейди я. Ада бедендиз чим акъудзава, бедендиз зегъеррикай азад жез куьмекзава, руфун

хъуьтуьларзава, къеняй шарар акъудзава, саран яклар мягкемарзава ва чларар рехи хъуниз маниивалзава».

## Зейтундин чМемедин хийирлувиликай алай аямдин алимар раханва

«Ат-Тиб валь хаят» ктабда кхъизва: «Зейтундик кислотаяр, шекер, яд, минералар ва В<sub>2</sub>, Е витаминар ква. Ада рикI сагъламдиз хуьзва, холестерин ва артерийрин давление агъузарзава, къен кIеви хъайила куьмекзава. Зейтундин чМем кремрик ва запунрик кутазава, вучиз лагъайтIа, ада хам хъуьтуьларзава ва жалгъайра тIалар авайла, куьмекзава. Генани ада цвар ракъурзава ва дуркIунра авай къванер акъудзава. Зейтундин чМемеди вилериз куьмекунин сир ам я хьи, адак витамин А ква».

Абдурагъман Хараза «Илаж билъашаби валь фаваки» ктабда кхъизва: «Зейтундин чМемеди хам хъуьтуьларзава, шекердин азар авайла куьмекзава». Шекердин азар авайла, ам икI ишлемишзава: 2 чIехи тIурунавай чМем экуьнахъ ва нянихъ хъвазва. Къен кIеви хъайила, чIехи I тIурунавай чМем фу недалди экуьнахъ ва нянихъ хъвада. Рахит авайла ва иви тIимил хъайила, ам аялрин бедендиз яда. Аялрин руфун тIадайла, руфуниз чМем яна, 5-10 декъикъада массаж ийида.

«Ан-Набату тиббия филь Къуръани ва Сунна» ктабда кхъизва: «Зейтунди ивидик квай шекер ва холестерин агъузарзава. Фад куьзуь хъуниз маниивалзава, хуруда, аялдин кIвале, хуквада ва ратара ракдин буьвел атуникай хуьзва, жалгъайра авай тIалрикай сагъарзава ва къилик нетIер акатуниз маниивалзава. Зейтундин таза пешер сарар ва абурун яклар сагъарун патал ишлемишзава».

Жулия Эндерса «АкълалТай хуш рад» ктабда кхъизва: «Герексуз заланвал авай инсанриз хъсан малумат: зейтундин чМемеди беденда авай шекерар пидиз элкъурдай ферментдин кIвалах акъвазарзава. Гзаф ахтармишунар тухвай нетижада малум хъайивал, зейтундин чМемедиз

профилактикадин хъсан лишанар ава. Ада атеросклероздикай хуьзва, клеткайрин мембранаяр хъсанарзава, Альцгеймеран азардиз акси профилактикадин кIалубра аваз хъсан таъсирзава.

Гъамиша зейтундин чМем ишлемишиз хъайитIа, ада рикIинни дамаррин азаррикай хуьзва: дамарар мягкем ва тIарам ийизва. Зейтундин чМемеди кIарабриз хъсан таъсирзава, кальций элемент бедендай квахъунин вилик пад къазва, гъавилияй аялар патал, ам къетIендаказ къиметлу продукт я.

Холестит – туькъуьлдин куркурда азар авай инсанар, зейтундин чМемедихъ галаз мукъаят хъана кIанда, вучиз лагъайтIа, адаз азар хци ийидай къуват ава».

Англиядин ва Испаниядин алимри тухвай ахтармишунрин нетижада къалурайвал, зейтундин чМемеди ва инсандин ратуна авай кислотади саналди, ратунин рак арадал атуникай хуьзва. ГъаКни ахтармишунри къалурайвал, зейтундин чМем гзаф ишлемишзавай гъукуматра ратунин рак авай инсанрин къадар, ам тIимил ишлемишзавай гъукуматрихъ галаз гекъигайла, лап агъуз я. Эгер гъар сада са шумуд стIал хъайитлани гъар юкъуз а чМем хъвайитIа, ада хурун зигъин хъсанарда ва гъатта куьзуь вахтундани къилин мефтIеди хъсан кIвалахда.

Са бязи алимри гъисаба къазвайвал, зейтундин чМем эпилепсия авай инсандин хамунив гуьцIайла, хъсан таъсирзава.

Набататдин чМем цвар акъуддай дарман хъиз ишлемишзава. Ада генани дуркIунра авай къванер акъудзава.

США-да ва Великобританияда тухвай ахтармишунрин нетижада малум хъайивал, дуркIунар сагъарунин карда зейтундин чМемеди, диетадик акатзавай

тIуьррин сиягъда къилин чка къазва.

Зейтундин чМем США-да ва Великобританияда официалныдаказ къабулнавай медицинадин препаратрин сиягъдик акатзава. И гъукуматра зейтундин чМемедихъ дармандин таъсир хъунин себеб аваз, адаз чIехи къимет гузва. Адак пальмадин, олеиновый, линолевый, муристиновый ва маса кислотаяр, гъаКни глицеридар ква. Ам цихъ галаз какахъзавач, амма спиртдихъ, эфирдихъ, хлороформдихъ ва жими парафиндихъ галаз какахъзава. Зейтундин чМемедиз тонизироватдай лишан хас я, ада чин таза ийизва, токсинар акъудзава, тIуьн цIурурдай гъал къайдада гвазва, азарар гъизвай микробар тергзава, чларариз цIарцI гузва ва сагълам ухшар гъизва ва куьзуь хъунин кар явашарзава. Зейтундин чМемедик адетдин къел кутуна сарарин якIарив гуьцIайтIа, ада сарарин ва абурун яклар гъар жуьредин азаррикай къутармишла. Буьвелриз, тIуариз ва гъаК беденди квал къачур вахтунда зейтундин чМем гуьцIайтIа, ада хъсан таъсирзава. Четиндаказ сагъар жедай хронический буьвелриз ва ирин квай хирерив зейтундин чМем гуьцIайла, абур алатзава.

Кеферпатан Африкада ва Юкъван РагъкъечIдай патан са шумуд духтурди къейд авурвал, гъамиша къайдадалди зейтундин чМем хъвайи инсанрин арада, ратарин ва хуквадин хаталу буьвелар арадал атай дуьшуьшар авач. Япониядин медикри и делил тестикъарзава ва зейтундин чМемеди гъа ихътин азаррин вилик пад къазвайди фикир ийизва.



# Внимание!

## Весенне-летний пожароопасный период

Не так много осталось времени до установления теплой сухой погоды. Как показывает практика прошлых лет, в это время резко увеличивается количество пожаров, связанных с возгоранием сухой травы, мусора, в сельских населенных пунктах, в лесных, парковых зонах, на сельхозугодиях, на приусадебных участках.

Значительная часть пожаров происходит из-за неконтролируемых сельхоз палов (сжигания прошлогодней травы и соломы), леса пылают и из-за небрежного обращения с огнем. Связано это и с уборкой садовых участков (и, как следствие, сжиганием мусора и травы) и массовым выездом населения на природу (разведение костров, неосторожность при курении и т.п.).

Нередко это приводит к тяжелым последствиям. Огонь перекидывается на лесные массивы, хозяйственные постройки, жилые и нежилые строения. Вспыхнувшая как порох трава порывом ветра в доли секунды заносится на деревянную постройку, и она тут же загорается. Кроме того, с пожарами в атмосферу выбрасывается огромное количество дыма, содержащего такие опасные загрязнители, как углекислый газ, угарный газ, окись азота. От задымления страдают жители, как городов, так и сельских населенных пунктов. Кроме того, на тушение подобных пожаров тратятся огромные денежные средства.

Так кто же виноват в возникновении этих пожаров? В ряде таких пожаров виноваты курильщики. Не затушенная спичка или окурки, брошенные в сухую траву, в считанные секунды превращаются в «горящий ковер». Много хлопот работникам противопожарной службы в этот

период доставляют детские шалости с огнем. Дети не понимают, сколько бед и несчастий может принести травяной пожар. А ведь площади таких возгораний могут достигать десятков тысяч квадратных метров. А если на пути огня встанет забор, сарай или даже дом, то пострадают и они.

Еще одной «пожароопасной категорией» населения в такой период становятся садоводы. Ежегодно, колоссальный ущерб природе наносит сжигание по весне сухой травы и листвы на земельных угодьях и садовых участках, непосредственно примыкающих к лесопарковой зоне.

С приходом весны масса людей устремляется в лес. В этих случаях наиболее частая причина бедствий – не затушенные костры, брошенные окурки, спички. А ведь в теплую сухую погоду искры достаточно, чтобы вспыхнул огонь, особенно в хвойном лесу.

В связи с этим, ОНД и ПР №12 по Ахтынскому, Рутульскому, Магарамкентскому и Докузпаринскому районам Р ГУ МЧС России по РД призывают вас быть особо внимательными и осторожными в весенне-летний пожароопасный период.

Курильщикам не следует бросать окурки и спички на землю, ведь для этого есть специально оборудованные урны. Необходимо следить за тем, чем заняты дети, пресекать любые шалости несовершеннолетних с огнем. На территории частного жилого сектора, на случай пожара, необходимо иметь запасы воды для целей пожаротушения, а также определить порядок и способы вызова пожарной охраны.

Сжигание мусора, отходов и тары в специально отведенных для этих целей местах, не ближе 50

метров до зданий и сооружений и строго под контролем обслуживающего персонала.

Не забывайте о том, что за нарушение Правил пожарной безопасности законодательством Российской Федерации предусмотрена административная, а так же и уголовная ответственность.

ОНД и ПР №12 по Ахтынскому, Рутульскому, Магарамкентскому и Докузпаринскому районам ГУ МЧС России по РД надеются, что совместными усилиями всех заинтересованных служб и ведомств, а также населения, удастся не допустить чрезвычайных ситуаций в весенне-летний пожароопасный период.

**ВАЖНАЯ ИНФОРМАЦИЯ:**  
способы набора «Службы 01  
МЧС России  
в Докузпаринском районе  
55-17-78

**ПОЛЬЗОВАТЕЛЯМ:**  
компаний «Мегафон» и «МТС»  
- набирать номер 010,  
компания «Билайн» - набирать  
номер 001.

**Набрав номер, нужно  
кратко сообщить  
следующее:**

- причину вызова (пожар, несчастный случай, запах газа и т.п.);
- точный адрес (улица, номер дома.);
- Ваша фамилия и номер телефона;
- запишите или запомните фамилию дежурного диспетчера.

ОНД и ПР №12 УНД и ПР ГУ МЧС  
России по РД





## Малумат

«Мавел» чапханади Къ.Х.Акимован «Лезги ч1аланни урус ч1алан гафарган» подписка ийизва. Щийи гафарганда 20 агъзурдалай гзаф лезги дувулдин гафар ава. Объем – 400 чин. Ам алай йисан ноябрдиз басмадай сифте яз акъатда. Подпискадин кьимет: са ктаб – 500 м.

Суалар чапханадиз пе. Чи адрес: Махачкьала, О.Кошевоян куьче, 42 а. «Мавел».  
Тел.: 8 928 511 31 16; 8928 87340 02

## СКАНВОРД

3					Къшдин "квал"	Фендигар
Тямсувал		1		Къзил- гуьл		
				Мажиб	Къуллугъ- чидин "муг"	Зимбабве- дин меркез
					Даглар куьрс- дай дукъа	"Дагъустан" хабарар
				Менгил		
Тебиб, жерягъ		Эркек ч1ижк			Лезги т1уьн	
					2	Кц1ар район- дин хуьр
Конгодин шегъер		Рислин т1арвал			Рабочий	
						Сифте хвал
Кудай хъач		Гъайв андин жимн т1уьн			Къвечхел пая	
					Алхши, шадвал	2
Гзаф рахадайдн		Къариблук			Уьлендин набатат	
1		Тарцин "беден"		Къел квачир	Автомобил- дин т1вар	
						3
Партал					Зарб катдай вагъши	





**РЕСПУБЛИКА ДАГЕСТАН  
МУНИЦИПАЛЬНОЕ ОБРАЗОВАНИЕ  
«ДОКУЗПАРИНСКИЙ РАЙОН»**

368750, сел. Усуччай Докузпаринского района РД тел. № 22-340,  
факс (8-(87)-269)-22-337 email: dokuzpara@mail.ru

№51

от 3. 04. 2017 г.

## РАСПОРЯЖЕНИЕ

### “Об определении оператора независимой оценки качества образования”

1. Определить оператором независимой оценки качества образования (НОКО) редакцию районной газеты “Голос Эренлара”.
2. Разработать техническое задание для оператора НОКО (Балакишиев А. Г. Саруханов Р. С.)
3. Общественному совету при РУО Идрисову И. провести НОКО согласно плану.
4. Администрации МО, РУО размещать информацию о результатах НОКО на сайтах МО, РУО и на сайте bus.gov.ru.

Контроль исполнения распоряжения возложить на заместителя главы Гаджимурадов С.Я.

**К. С. АБАСОВ, Глава МО «Докузпаринский район».**

Утерянный аттестат об основном общем образовании серии Б за №0326338, выданный в 2002 - 2003уч. году Микрах-Казмалярской средней общеобразовательной школой Докузпаринского района РД на имя **Кичибеква Рагима Бахтияровича** считать недействительным.

Цийи-Каракуьредин юкьван школадин муаллимрин коллективди  
играми буба  
**КАМАЛДИН**  
рагьметдиз финихь галаз алакьалу яз, Исламова Сагьибат  
Камалдиновнадиз башсагьлугьвал гузва.

Мискискадин юкьван школадин муаллимрин коллективди играми  
буба ва стха  
**РУСЛАН**  
рагьметдиз финихь галаз алакьалу яз, руш Светадиз, вахар тир  
Верадиз, Гуьлперидиз ва вири багьрийриз башсагьлугьвал гузва.

«ЭС» газетдин коллективди  
**ФИКРЕТ**  
рагьметдиз финихь галаз алакьалу яз, руш Жамилядиз, яран стха  
Хелилбеказ ва амай вири мукьва-кьилийриз башсагьлугьвал гузва.

### «ГОЛОС ЭРЕНЛАРА»

2001-йисан  
ноябрдилаь акьатзава

**Тешиклайди:**  
Докузпара райондин  
администрация,  
Дагьустан Республика

**Учредитель:**  
Администрация Докузпаринского  
района, Республика Дагестан

**Кьилин редактор:**  
Э.А.ГЪАЖИБЕКОВ

**Жавабдар секретарь:**  
А.Э. ЭМИРСУЛТАНОВ

**Хусу корреспондентар:**  
Ш.О. ШАГЪБАЛАЕВ  
К.Н.ФЕРЗАЛИЕВ  
В.С.АГЪАМУРАДОВ  
З.Э. МЕДЖИДОВА

**Корректор:**  
Ш. ШАГЪБАЛАЕВ

**Верстка авурди:**  
А.Э. ЭМИРСУЛТАНОВ

**Чандиз вахкай вахт:** 14:00  
**Чанзавай вахт** - 17:00

**Тираж 1200**

*Редакциядинни макьалайрин  
авторрин фикирар сад тахьун  
мумкин я. Макьалайрин деллрин  
дуьзвилини патяхьай жаваб  
авторри чни гуда. Макьалайриз  
рецензия гузвач ва абур элкьвена  
вахкузвач. Мадни, чпин  
макьалайра дегшивилер тунал,  
кьилер дегширунал рази тушир  
мухбиривай чна абур  
редакциядиз ракьур тавун  
талабзава.*

*Газета зарегистрирована  
Управлением Федеральной  
службы по надзору в сфере связи,  
информационных технологий и  
массовых коммуникаций по  
Республике Дагестан*

**Регистрационный  
номер ПИ №ТУ5 - 00256  
от 14 июня 2013 г.**

**Редакциядин,  
издательстводин ва  
типографиядин адрес:**

368750, Докузпара  
район, Усуччай хуьр,  
тел.8 (8269) 22-345  
e-mail: [erenlar2001@mail.ru](mailto:erenlar2001@mail.ru)  
Наш сайт: [www.erenlar.ru](http://www.erenlar.ru)